

مشتاقنامه

مطبعه و محل اداره :

جفال اوغلانده امنیت
صندوغی جوارنده
شنکول یقوشنده
۲۷ نومرو

اضطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایرر و هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندربیلیرسه سنوی
۲۰ غروش فضله آلیر

آلتیجی جلد

۱۴ جمادی الاول پنجشنبه ۵ مایس ۳۲۷

عدد : ۱۴۱

مدنیت اسلامیہ دن بر صحیفہ

یا خود
نسنر سوانہ

حقیقت ، نہ علوی بر وجود معنویدر ! ایشته کوریلور ، کہ
هر کس ، عاقل ، همده عقل سلیم صاحبی اولمق ادعا سنده بولونیور ،
فقط حقیقت ینہ مستور . جمال دن رفع نقاب ایدہرک آنی بوتون
آرایش حسنیلہ کورمک ، آنی دراغوش ایلمک هر عاقلہ میسر
اولہ میور . اولہ ایسہ عاقل ، فقط سلامت دن محروم !

ادراک حقیقت اوقدر قولای برشی اولایدی انسانیتی مسعود ،
انسانلری بختیار ایتمکدن باشقه برامل بسلمه مین ، وظیفہ مقدسه سی
صرف بومطلب لاهویتک تحصیلنه منحصر بولنان پیامبران عظام
(علی نبینا وعلیہم الصلاۃ والسلام) حضراتی رهگذارسی واجتہادلرنده
هیچ بر مشکلاتہ دوچار اولمازلر . مبعوث اولدقیری امتلرندن صمیم
قبولدن ، حرمت وقدر شناسلقدن باشقه برشی کورمزلدی حال بوہ کہ
امر بالمعس و اوقدر کہ انسان مشارالیم حضراتک امتلرندن
کوردکاری شدت خصوصتلی ، تهور عداوتلری ، او داغلر دایانماز
اشکنجہلری ، عقوبتلری ، خرد سوز سوء قصدلری تاریخ انسانیتده
اوقردقجہ حجابندن اریمک ، یرک دینہ کچمک درجہ سنده متأثر ،
متالم اولور . بوعدابلر نیچین ، بو عقوبتلر حقیقتی ادراک ایدہ مامکدن !
یوقسه هانکی عقل سلیم صاحبی تصور اولنہ بیلیر ، کہ بر حقیقتی تمامیلہ
ادراک ایلدیکی حالہ ینہ عدم قبولده اصرار ایتسین ؟

برکون سلطان سریرلولاک (علیہ الصلاۃ والسلام) افندیمر حضرتلری
ابوجهل ایلا قارشیلایشیرلر . ابوجهل یردن برقاچ طاش یاوروسی آلیر ،
آوجنده صاقلار ، وقتا کہ ، تلاق قوعبولور . آرالرنده شویله بر محاورہ باشلار :
— پیغمبرم دییور ، اسرار وحیدن دم اورییورسک ، شو آو وجدہ کیلر
نہدر ؟ بیل .

— اوزرک نہ اولدیغی می سویلیم ؟ یوقسه اوزلریم ، سناک آکلا یه جفک
رلسان وضوح ایله ، صدق دعائی تصدیق ایتسینلر ؟

— سنک دیدیکک دها بدیع !

از میان مشت او هر پاره سنک
در شهادت کفتن آمدی درنک
لاله کفت و الا الله کفت
کوهر احمد رسول الله سفت

آووجنده کی طاشلرک هر بری وحدانیت الہیہی ورسالت جلیلہ
محدیہی بر آوردہ لسان تصدیق ایدنجه ابوجهل حدتہ طاشلری فی رلا تیر
آتار ، وقوری یه سی لسانیلہ :

کفت نبود مثل تو ساحر درک
ساحران راسر توئی و تاج سر

ایشته بوده عقل ؛ لکن عقل سقیم . بیکلر جہ عقلا بوعلوی معجزہ

شئون حیاتیہ سنده اعتدالہ رجوعہ چالشہ سی لازم کلیر بوده قوا زین
صحیفی بیلیر ، علوم طبیہی محیط ، حاذق برطیبک وصایاسہ ، مراجعتدن
بشقه صورتہ اولہ ماز . علیہ الصلاۃ والسلام افندیمر « تداور ایا عباد الله فان
الله لم یزل داء الا نزل له دواء — یا عباداد کنندیکرہ باقکر زیرا جناب
حق هیچ برخستہ لق ویرمه مشد کہ اونک چارہ سنی ویرمش اولماسون »
بویوریور . آز یوقاریدہ علوم طبیہی محیط بر حاذق طیب دیمشدک .
اوت چونکہ دین بزى فنه وقوفی اولیان طولاندر یجیلرک پنجه سنے
دوشمکدن تحذیر ایتدیکی کبی او حریفلری ده عظیم بر مسئولیتلہ تهدید
ایدیور : « طبابتہ وقوفی ثابت اولیان بر آدم حکیملکہ قالدیشہ جق
اولورسہ ایقاع ایدہ جکی زبانی ضامندر . حدیث « صکرہ ، شاید
بر خستہ مبتلا اولدینی عاتی تدای ایتدیرمک ایچون اُلندن کلنی
دریغ ایتدیرک حذاقتده معروف اطبانک هبسنہ مراجعتده بولنور لکن
هیچ برندن فائده کورمزسہ او زمان دین کنندیسنے — برندن طولای
آخرتده اک بیوک مکافاتی تبشیر ایدر .

نہ حاجت ! بزم دین مینمز وجودک ضمنی . قوتدن محرومیتی
انسانی آخرتده درجات دلیہ احرازندن یقویہ جق اعراض جلہ سندن
عد ایدر . زیرا بو ضعف . بوقوتسزلک چوق زانلر امور حیاتیہ ده کی
افراط نتیجہ سی اولہرق ظهورہ کلدیکی کبی وظائف دینیہی ایضایہ
قارشى برقتورده تولید ایدر . بو حکمتہ مبنی علیہ الصلاۃ والسلام افندیمر
« قوی بر مؤمن ضعیف بر مؤمنندن اییدر . بویوریور .
مسلمانلق الله قارشى عبادت خشوع ، خضوع دده داخل اولدینی حالہ
هر نہ غرضہ مبنی اولورسہ اولاسون هیچ بر مسلمانہ . صحتتہ قارشى
لاقید بولنہ بی تجویز ایتمز . اصحابدن عباده بن عمرو بن العاص ،
حضور سعادتده بولنیورمش . علیہ الصلاۃ والسلام افندیمر عبداللہک
کوندوزلری صائم ، کجہلری قائم کچیردیکنی بکنہرک « بویلا یا بے ! هم
اوروج طوت ، هم افطار ایت ؛ هم نماز قبل هم اویوہ زیرا سنک
وجودیکک ، کوزیکک ، زوجہکک سنی زیارتہ کلنلرک ، هبسنک سنک
اوزرنده حق وارد ؛ آید اوج کون اوروج طوتق او یرر . زیر ایشلیہ جکک
هر حسنہ یه مقابل اون مش ثواب قزانه جفک ایچون هر کون اوروج طوتمش
اولورسک بویورمشلر . عبدالله دیور کہ بن اصرار ایدنجه حضرت پیغمبرده
اصرار ایتدی نہایت ، یارسرل الله بن کنندمده قوت کورییورم — پنجه « اولہ
ایسہ باری داوود علیہ السلام کبی صائم اول « بیوردیلر . صیام داوودی
صوردم « کون آشیری صائم اولقدیر » دیدیلر .

عباده اختیارلہ دقدن صکرہ « کاشکی جناب پیغمبرک مساعده سنی
قبول ایتمش اولہ یدم ! » دیرمش .

شبه یوقدر کہ بوتون بوقواعد مسلمانلری صحت بدنیه لرینہ قارشى
غایت اعتنالی دوراندرہ جق ماهیتده درلر ؛ بویاسہ نظافتہ ، صحتہ صوک
درجده اہتمام اولنق صورتیلہ امراضک ، آزالہ سی ، سرایت خفیفہ فلشہ سی
ایچون غصر حاضر حکمہ سی طرفدن خلقک اذہانہ نقش اولنق
ایستہ نیلن مقصد مهمدر .

محمد عاکف

هر کس یوز اوقه لوق بر ثقاتی قالدیره ماز . فقط اوقدرنی و بلدکه اندن ده
دها فضله جه سنی قالدیران بولونیر .

مثلا سنك ألكه یوز بیک لیرا قیمته بر جوهر چکش فقط بونك
قیمتی شویله دورسون هنوز ماهیتدن خبرك یوق . سنك نظر کده
عادی بر طاش پارچه سی . فقط بری کلوب ده بونك یوز بیک لیرا
آغیر لغنده پك قیمتدار بر معدن اولدیغنی سویلینجه درحال کوزلر کده
بر نور مسرت پارلار . آرتق او ، سنك نظر کده عادی بر طاش دکل
بر خزینة سعادت ! بر کنجینه اقبال ! بر برات اجلال ! حیاتك ذوقی
بوتون ازهار ایتسامیله یوز یکی قاپلار . اوخ . . . ایشته شمعی
مسعودم !

زوالی ! سنك الكده بر جوهر واردی . بر جوهر ، که دنیانك
بوتون خزائی بر یره کتیر یلسه ینه آنك ذره سنه مقابل اوله ماز .
یالکنز آنك شمشة جهان آراسنی ثوده یه من او نه . . . ؟

حضرت قرآن حکیم !

کولیورسك او یلامی ؟ پك عجله ایتدك ! صوکر اکر - ذره قدر
وجدانك وارسه ! - محجوب اوله جقسك ! کوزلرک بلا اختیار یره
اینه جك ! قلبکده حس ایده جکک مرارت زهر رنگنده یوزینه عکس
ایده جک .

سنك ، مدنیتك اوج اعلائی کمال الکمالنده (؟؟) کورمکده واشاغیدن
یوقاری پرستشار تقدیم ایتدکده اولدیغك آوروپا علماسندن ، فرانسه
فضلا سندن « لاوالته Théophile sébastien Lavallette » نك قرآن
حکیم حقنده کی تقدیرات عاقلانه ونصفت پرورانه سنی دیکله :

Tout est contenu dans le Koran, c'est la source de tout droit, le principe de tout devoir; il embrasse toutes les relations de la vie politique, civile et religieuse, et régleme depuis la conscience des individus jusqueaux détails du ménage.

فصلك؟ بوذات - معتقد اولدیغنی حالد - بونون حقایقك حضرت
قرآن حکیمده اولدیغنی آکلامش ؛ ایشته اعتراف ایدیور . « قرآن :
بوتون حقوقك منبع توزیعی ، بوتون وظائفك مأخذ تقسیمیدر .
قرآن ، دینی ، مدنی ، سیاسی طرق و مسالک حیاتك کافه روابط
ومناسباتی احترا و احاطه ایدن بر مجموعه قوانین ، بر دستور معدلت
آیندر الخ » دیور .
(مابعدی وار)

محمد فخرالدین

تورکلك غیرتی

بوندر بر آی ، بر بوجوق آی اول طنینده یازیلان بر مقاله . .
(آلتین ارردو) مقاله سی . . روحده بر کونش کی ، بر دکنز کی
پارلایوب طالع لایوب طور یور . یازیلدیغنی کون بر قاج کره اوقوددیغ

حقیقه بوتون قناعت وجدانیله لریله ، بتون صمیمیت قلبیله ، بوتون
عصمت روحیله اینانیورلرده بوجهل بالذات کندی ایستدیکی و آوجی
ایچنده وقوعبولدیغنی حالد طاشاردن ، هانی اوزم جامد ، جانسز
دیدیکمز طاشاردن کندی اوزقولاغیله ایشدیکی معجزه شهادتی سحره
حمل ایتدی .

(اولئك كالانعام بل هم اضل !)

زمره سنك سرفرازی اولوق شرفی (!) احراز ایلدی . حقیقی
اوبختیار انسان کامل بلیر ، که حق طمانیر . حق پرستی ایدر ، نظرند
وارلق حقندن عبارت اولور ، ایشته اوزمان حقایق اشیا پیش نظر
حکمتنده تجلی ایدر . حقیقت یحیی آجی اولیور ؟ بو آملق زدن کلیور ؟
حقیقتك کندیسندمی ؟ یوقسه ادراکک سقامتندن ، عقلک - امراض
نفسانیله - معلولیتندمی ؟

کوریوریز ، که خسته قلبی بر کوز ضیای خورشیددن حظایتیور .
کونشه منعطف اولونجه باشنی چوپر مک مجبور اولیور ! کذا : بوزوق
بر معدله اک طاتلی بر صوبی زهر کی آجی بولیور . حال بوکه سن
ایچمکه طویه میورسك ! کوزلرک ضیای مرئیاتی دها واضح ، دها
جلی بر صورتده کوریور و نمون اولیورسك !
دیمک ، که او مرارت ، حقیقتده دکل آنی ادراک ایده مین ، یا ؟
ادراک ایتك ایسته مین عل سقیمده ایش .

La verité se cache au fond d'un puits

دین ، حقیقتك نه قدر عمیق بر خفاگاه ایچنده کیزلمش اولدیغنی
اکلامشده بویله بر صیحه حیرت قوباروب زمین عجزه سقوط
ایتمش ! ایشته بحثی صد دنده بولندیغمز (تستر نسوان) مسئله سی ده بویله
هر نظرک کوره میسه جکی بر جوهر حقیقت در . بونی عقل حیوانی
دوشونه من . حتی دوشونمک بیله ایسته من . چونکه محکوم اولدیغنی
حسن حیوانیت بوندن نفرت ایدر . او ایستر ، که هراستدینکنی یاپسین
هیچ بر حظندن محروم قالماسین !

اونك فوقنده بر حاکم وار . بر فصل الخطاب حق و باطل ، بر
فاروق خیر و شر وار . عقل انسانی . وجدان روح . اونك بوتون
آمالی نوردن بر رستون کی آسمانه ، عالم ملکوتیه سطوع ایدر . عقل
حیوانینك بوتون حظوظاتی - مشروع و معدوح اولانی مستننا -
رد و اندن نفرت ایدر . دائماً تکدیروتوبیخ ایدر « بکارام اول ! من خرفاته
کوز دیکمه ! طبیاته قناعت ایت ! » دیه دائماً خیرپالار . یولارینی
طارتار طوریر .

عقول متفاوتدر ، هر عقل بر طبقه تشکیل ایدر ؛ بوتون طبقات
عقول یکدیگرینه بر سلسله منت و محکومیتله باغلیدر . ایشته بوکا نظام
عالم دیرلر .

(ورفعنا بعضهم فوق بعض درجات)

انسان هر برشیک حقیقتی ، معقولیتی ، حکمتی تقدیر ایده من .